




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-02880/26

Datum: 01. 07. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničko pitanje, dostavlja se;
VEZA: Vaš akt, broj:01-04-644-45/26 od 19.05.2026.godine

U skladu sa Vašim aktom, broj i datum veze, kojim je dostavljeno zastupničko pitanje zastupnice Sebiye Izetbegović, upućeno dana 15.05.2026. godine, a koja glasi:

“Cijeneći značaj sigurnosti građana, zaštite javnog zdravlja nesmetanog funkcionisanja saobraćaja i javnog prostora, a povodom radova koji se izvode u ulici Radićeva na području Općine Centar Sarajevo, u skladu sa Poslovníkom Skupštine Kantona Sarajevo upućujem sljedeća zastupnička pitanja:

I. INFORMACIJE O RADOVIMA I IZVOĐAČIMA

1. Koji se tačno radovi izvode u ulici Radićeva na području Općine Centar Sarajevo?
2. Ko je investitor predmetnih radova?
3. Ko su izvođači radova i podizvođači angažovani na realizaciji projekta?
4. Molim da se dostavi kopija ugovora ili osnovni podaci o zaključenim ugovorima vezanim za izvođenje predmetnih radova.
5. Kada su radovi zvanično započeli?
6. Koji je planirani rok završetka radova?
7. Kolika je ukupna vrijednost projekta i iz kojih sredstava se finansira?

II. NADZOR I SIGURNOST GRADILIŠTA

1. Ko vrši stručni i tehnički nadzor nad izvođenjem radova?
2. Da li su poduzeti svi potrebni koraci kako bi se osiguralo gradilište i zaštitila sigurnost građana i prolaznika?

3. Da li su izvršene inspekcijske kontrole gradilišta od strane Kantonalne uprave za inspekcijske poslove i molim da se dostave zapisnici i nalazi izvršenih kontrola.
4. Da li je gradilište propisno obilježeno u skladu sa važećim propisima iz oblasti sigurnosti, zaštite na radu i saobraćaja?
5. Da li postoji procjena rizika za građane i okolne objekte tokom izvođenja radova?

III. ZAŠTITA JAVNOG ZDRAVLJA I ZAŠTITA OKOLINE

1. Cijeneći blizinu rijeke Miljacke, koje su konkretne mjere poduzete kako bi se spriječilo zagađenje okoliša i eventualno ugrožavanje vodotoka tokom izvođenja radova?
2. Imajući u vidu činjenicu da do danas nije provedena redovna sistematska deratizacija na području Kantona Sarajevo, koje su mjere poduzete na samom gradilištu kako bi se spriječila pojava i širenje glodara i drugih potencijalnih prenosnika zaraznih bolesti?
3. Koje su mjere poduzete kako bi se spriječilo širenje prašine i drugih štetnih čestica koje mogu ugroziti zdravlje građana?
4. Da li se vrši redovno polivanje i čišćenje gradilišta i saobraćajnica u neposrednoj blizini radova?
5. Da li su izvršene procjene mogućeg uticaja radova na zdravlje građana i kvalitet zraka u tom dijelu grada?
6. Cijeneći činjenicu da se u neposrednoj blizini nalaze institucije od značaja za Kanton Sarajevo, trgovački centri, poslovni objekti i šetnice, koje dodatne mjere zaštite građana su poduzete?

IV. ROKOVI IZVOĐENJA RADOVA I EVENTUALNI PENALI

1. Molim da se dostavi tačna dinamika izvođenja radova i plan realizacije po fazama.
2. Da li su rokovi za izvođenje radova probijeni?
3. Ukoliko jesu, molim da se dostavi detaljno obrazloženje razloga zbog kojih je došlo do probijanja rokova.
4. Da li su izvođačima radova obračunati penali zbog eventualnog kašnjenja u realizaciji projekta?
5. Ukoliko penali nisu obračunati, molim da se dostavi obrazloženje zbog čega nisu primijenjene ugovorne odredbe.
6. Da li postoji novi rok završetka radova i kada se očekuje potpuna normalizacija saobraćaja i korištenja javnog prostora u ulici Radićeva?",

obavještavamo Vas da je kantonalna urbanističko-građevinska inspekcija po prijemu podneska po službenoj dužnosti pokrenula postupak inspekcijskog nadzora tokom kojeg je poduzela zakonom utvrđene radnje i aktivnosti u cilju utvrđivanja stanja, nakon čeka ukazujemo na sljedeće:

U cilju osiguravanja cjelovite obnove podzemne komunalne infrastrukture u Radićevoj ulici na području Općine Centar Sarajevo izvođe se radovi na rekonstrukciji vodovodne i separatne kanalizacione mreže.

Investitor predmetnih radova je Općina Centar Sarajevo.

Izvođač predmetnih radova je KJKP „Vodovod i kanalizacija“ d.o.o. Sarajevo.

Za izvođenje predmetnih radova su između Općine Centar Sarajevo i KJKP „Vodovod i kanalizacija“ d.o.o. Sarajevo potpisani Sporazumi o grantu: za rekonstrukciju kanalizacione mreže u ulici Radićeva i za rekonstrukciju vodovodne mreže u ulici Radićeva.

3/3

